

С. (Каам) 4
Э - 2

- 93 43 1



Эрнжэнэ Константин


иср
инно-43

К84(2-643) 6
Э763

Эрнжэнэ
Константин

5
ae
93937
-760850-
22
рк

ШҮЛГҮД, КЕЛВРМУД
БОЛН ТҮҮКС



Хальмггосиздат
Элст-1964

НАРГ

Үрглжд залу дууч	3
----------------------------	---

Шүглэн

Мана аав Ленин	11
Эмд нарн	12
Улан туг	14
Москва, менд	18
«Таралн»	21
«Назр дор, холд...»	23
Максим Горькийд	25
Мартгдхн уга	26
Хавр	29
Инъг чамд	31
Советин күүкн сээхлэ	33
Нарма	37
Сувсн дольган	39
Мана ханлт	41
Мини йөрэл	42
Хойр зүркн	44
Мөнк байр	46
Өрөсэ	48
Тенгс теврэд хэрнэв	50
Нарна хотнд бүүрлв	52
Элст эргндк цецг	53
Ленинэр нартсн назр	54
Зүркндм эмд	56
Республикм	57
Сөнгин дун	59
Көгжм иктэ дун	60
Эвин түрүн хавр	62
Хөөчин туск дун	64
Торһн хадгар өлгэднэв	66
Зүркн	68
Баатрин дүр бээх	69
Теегин очн	71
Ханлт	74
Хаврин зэнг	75

ЭЛСТИН УЛАСНД

1.

Залу дүүвр байдан
Заһрмгасчин үмтэж наадлав,
Зүрким авлснанин неринь
Зурж дурсндчин үлдэлэв.

Көк зусн шүүсн
Көлврэд дусдг билэ,
Көрснчин өвдэд зовжахинь
Көөрк меддго билэв.

Сээхн иньгэн дахулад,
Сүүдртчин кесг серүцлэв,
Савһр бичрәсчин таслад,
Севэд киилдг билэв.

Чи нээхлэд өндрдэд,
Чимг бичрән шавшуллач,
Чиигәрн нүүрән уһаһад,
Чигтхлж нарнур давшлач.

Көрңтә өргн теегинм
Көк делңгинь кевкләч
Көрсн, үндсэн цатхж,
Күриж уласн урһлач.

2.

Би боожад, эвтәрэд,
Бийән ясад мегдэлэв,
Бульгүлсн цусар буслад,
Болвсн көвүн боллав.

Дурни дууһан дуулад,
Дольгн иньгән дахлав,

Домбртнь келж биилэд,
Дурлсан медүлж ядлав...
Зальта дурна дум
Зүркинь аштнь согтала,

Жирһлин жиңгсн айсм
Жилв бахинь хаңһала.
Хойр иньгүд ханьцад,
Хаһцшго андһар авлцлавдн,

Хээртә көвүн олдад,
Хойр зүркән холвлавдн.
Хортн хар санад,

Хов хоорнднь цацв,
Хээмнь хойр зүркд
Хээртә насндан хаһцв.

3.

Хөн мөстә үрнәсн
Харм төрж хаһцлав,
Хүв-йөрәлән эвдж,
Хээрн һазрасн хольжлав.

Ам авлцсн иньгм
Ардасм хэләж мегшлә,
Агта хар нульмсм
Ард-ардаснь асхрла.

Мөөрсн болсн цогцарн
Мөлкдг көвүм ярлзла,
Меджәх күмн кевтә
Маасхлзж нанур сарвлзла.

Минь эн саамд
Менрэд одла зүркм,
Мел эрүнән медәд,
Медүлж авальдан келләв.

— Хээмнь минь, иткич
Хар-гөр энчин,
Худл-ховар хомлж,
Хаһцулхн уга эднчин.

Үннэ үндсн бат
Үрүдлго бийән тат,
Үнн аштнь ахлх,
Үлүрксн ховч яхлх.

Өрин өрлэ өөһүрчин
Өвткүртэ, тачалж һарлав,
Өндгән геесн тоһруншг
Өскәлдәд ардасм гейүрлөч.

Зуурдин зовлңгд гүвдүләд,
Зүркән нульмсарн уһалав,
Зовкан харһулх болһндан
— Зүүдндән үн хәәләв.

Шур, сувсн болсн
Сәәхн теегәсн холжлав,
Шурдад одсн күлттә
Сиврәр эргәд ирләв.

Геедрсн бүлән хәәһәд,
Гер болһ кедләв,
Һалвта дәәнд эвдрсинь
Һазриннь түңгшлһәр медләв.

Герин шуһуд кевтсн
Генднә көгшн эмгн,
Генткн намаг таньчкад
— Гергнчин мордла гив.
«Экн авалчин ирх,
Эрсәд бичә гүүһич,

Эн цаг төвкнх
Эргәд, хәәһәд ирх.
Игж намаг келхлә,
Итклән барсан медүллә,
Инәж өөрнь шарвадад,
Ирсн залу дахла...»

— Намаг сән цагт
Нарнас доталдг билә,
Насм зовлңгар буурлтхла,
Нанас үргж йовна.

Эргәд, хәәһәд ирхим,
Элнкә бичгәсм умшла,
Эрк көвүн, авалән

Элкндэн шахким медлэ.
— «Там», түүрм кедсн
Түрэд, зүдэд ирх,
Тошурхж дассн нанд
Туша, ацан болх.
Игж шивгчн тоолад,
Инэдэрн бийэн хулдж,
Итклтэ садан хаяд,
Ирсн эр дахж...

4.

Би үрүдсн угав,
Болһаж ханьцхиг санвв,
Баһдан андһарлсн авалэн
Бат бишинь медвв.

Толһанм үсн буурлтв,
Тавгинм арсн ээрств,
Төрскндэн келсэн өгвв,
Таңһчдан шүлгэн нерэдвв.

Уласн, Элстин уласн,
Урһа кевтэн бөөһөч,
Ухан, үндснчин бат,
Утльта иньгэн күлөһөч.

Цунцсн зунн халун
Цуурдсн намрин салькн,
Хүвсхсн киитн шуурһн
Хээрэд, көлдөһөд давж.

Задта дээнэ заль
Зогдричинь долаж хуухлж,
Залу, дүүвр цогцчинь
Зовлнгин сөрв үлдэж.

Тер бийнь тесэд
Төрскэн харвад зогсач,
Тиим батта үрд
Теегтм олар үүдич.
Кеерлдсн эл уласдан
Келкэ болснднь хан,
Келсим зүркндэн тодлж
Кезэңк иньгэн тань.

1957 ж.